



DISGRIFIAD SWYDD:

PENNAETH YSGOL GYNRADD TAL-Y-BONT AC YSGOL GYNRADD CRAIG YR WYLFA

Prif Bwrpas y Swydd

Darparu gweledigaeth ac arweinyddiaeth effeithiol, ddeinamig gyda'r gallu i ysbrydoli dysgwyr a staff Ysgol Gynradd Tal-y Bont ac Ysgol Gynradd Craig yr Wylfa, gan sicrhau fod dysgwyr yn cyrraedd eu potensial yn llawn.

Mae'r Pennaeth yn gyfrifol am drefniadaeth fewnol, arweinyddiaeth a rheolaeth y ddwy ysgol.

Mae'n atebol i'r ddwy Corff Llywodraethol a thrwy gyfrwng y Cyfarwyddwr Addysg i'r Pwyllgor Addysg Lleol. Rhaid glynu wrth reolau, rheoliadau neu bolisiau a osodir gan y cyflogwyr a'r amodau penodi neilltuoel sydd ynddynt.

Rhaid i'r Pennaeth ymgynghori â'r ALL, y Cyrff Llywodraethol, y staff a'r rhieni fel y bo'n briodol. Mae gan y Pennaeth ran weithredol yn y broses o lunio nodau ac amcanion cyffredinol yr ysgol yn ogystal â'r polisiau ar gyfer eu rhoi ar waith.

Prif Ddyletswyddau a Chyfrifoldebau

Ar y cyd â'r disgrifiad swydd hwn, mae'n rhaid darllen y dyletswyddau a'r amodau gwasanaeth i Benaethiaid a amlinellwyd yn rhifyn cyfredol y ddogfen Cyflogau ac Amodau Athrawon Ysgol.

1. Cwricwlwm

- Arwain arloesedd mewn dulliau addysgu a dylunio cwricwlwm.
- Trefnu a darparu cwricwlwm priodol, eang a chytbwys wedi eu gwreiddio ym mhedwar diben Cwricwlwm i Gymru a fydd yn cwrdd ag anghenion deallusol, corfforol, emosiynol, moesol, ysbrydol a diwylliannol pob un o'r dysgwyr, a chyfleu'r rhaglen honno gydag eglurder a brwdfrydedd i'r holl staff, y rhieni, y llywodraethwyr a'r Awdurdod Lleol.
- Trefnu a darparu cwricwlwm sy'n cefnogi datblygiad fel sy'n briodol i anghenion, profiad, diddordebau, gallu a chymau datblygiad dysgwyr yr ysgol, o fewn yr adnoddau sydd ar gael.
- Datblygu a darparu cwricwlwm sy'n rhoi pwyslais ar feithrin ymdeimlad y dysgwyr o'u hunain a'u cynefin, a dealltwriaeth o'u hunaniaeth mewn cyd-destun eang a chynhwysol.
- Hybu amgylchedd fydd yn annog dysgwyr i ddod yn ddinasyddion dwyieithog sy'n rhoi bri ar yr iaith Gymraeg a'i diwylliant.
- Adrodd i'r Cyrff Llywodraethol sut y defnyddir amser cwricwlwm.

2. Adolygu a Gwerthuso

- Adolygu gwaith a threfniadaeth yr ysgol
- Gwerthuso safonau addysgu a dysgu o fewn yr ysgol, gan sicrhau bod safonau cywir yn cael eu gosod, eu monitro a'u cynnal
- Cefnogi staff yn fugeiliol ac yn broffesiynol a sicrhau bod cyfleoedd datblygiad proffesiynol parhaus a hyfforddiant ar gael i bawb
- Cymryd rhan mewn gweithgareddau angenrheidiol ar gyfer gwerthuso'r Pennaeth
- Sicrhau bod athrawon dan hyfforddiant, athrawon newydd neu rai sy'n dychwelyd i swydd addysgu ar ôl cyfnod o absenoldeb yn derbyn cefnogaeth a hyfforddiant addas

3. Gwybodaeth Reoli

- Cymryd rhan yn y broses o benodi staff addysgu a staff nad ydynt yn addysgu
- Dyrannu gwaith i staff mewn modd sy'n gyson gydag amodau cyflogaeth, gan gadw cydbwysedd rhesymol yn y dyletswyddau y disgwylir iddynt eu cyflawni
- Sicrhau bod gan athrawon ddigon o wybodaeth i gyflawni eu dyletswyddau mewn dull gwrthrychol
- Darparu gwybodaeth gyfrinachol, ystyriol ar waith a pherfformiad staff pan fo'n berthnasol i'w swydd nesaf

3. Cynnydd Dysgwyr a Gofal Bugeiliol

- Darparu arweiniad effeithiol er mwyn sicrhau fod y ddwy ysgol yn darparu lle cyffrous i ddysgu sy'n cwrdd â'i nodau gosodedig a gofynnol a lle bydd y dysgwyr yn mwynhau llwyddiant ac yn cyrraedd eu llawn potensial.
- Datblygu prosesau a gweithdrefnau addas ar gyfer monitro, asesu a chofnodi cynnydd y dysgwyr, gan gynnwys gosod targedau ar gyfer unigolion, yn unol â'r gofynion statudol.
- Sicrhau fod y ddwy ysgol yn cynnig amgylchfyd a chymuned diogel, ofalgar, gynhwysol a chefnogol i'r holl dysgwyr ac oedolion sy'n dysgu ac yn gweithio yno.
- Diffinio rhwydwaith o ddyletswyddau o fewn yr ysgol sy'n sicrhau bod disgyblion yn derbyn cefnogaeth briodol o safbwynt eu lles a'u llesiant

4. Disgyblaeth Dysgwyr

- Cynnal trefn dda a disgyblaeth a chod ymddygiad derbyniol ymhlith disgyblion, yn unol â'r Polisi Ymddygiad a Disgyblaeth, fel y'i cymeradwywyd gan y Cyrff Llywodraethol
- Sicrhau bod pob aelod o staff yn gweithredu'r polisi'n gyson boed ar safle'r ysgol neu yn ystod gweithgareddau neu ymweliadau y tu allan i'r ysgol
- Gwneud trefniadau i gynnal trefn dda a disgyblaeth yn ystod gwersi ac egwyl, drwy sicrhau bod:
 - i) system ddiogel a chadarn ar waith
 - ii) pob oedolyn a phlentyn ar y safle yn gyfarwydd â'r system
 - iii) person cymwys yn gyfrifol

5. Perthynas

- Datblygu cysylltiadau gweithio agos gyda'r rhieni a'r gymuned leol, ysgolion cyfagos, gan gynnwys sefydliadau uwchradd, y cyrff llywodraethol, yr Awdurdod Lleol, a'r holl asiantaethau swyddogol a gwirfoddol sydd â'u gwaith yn cyd-daro â gweithgareddau'r ysgol fel â ganlyn:
 - (a) Perthynas gyda'r Rhieni**
 - Gwneud trefniadau i rieni dderbyn gwybodaeth reolaidd am addysg eu plant
 - Annog rhieni i gymryd rhan weithredol ym mywyd a gwaith yr ysgol
 - (b) Perthynas gyda'r Cyrff Llywodraethol**
 - Cyngori a chynorthwyo'r Cyrff Llywodraethol i weithio'n effeithiol drwy lunio adroddiadau a darparu gwybodaeth
 - (c) Perthynas gyda'r Awdurdod Addysg Lleol**
 - Cydweithredu gyda Swyddogion yr Awdurdod Addysg Lleol drwy ddarparu gwybodaeth ac adroddiadau, a chydweithio gyda nhw i ddatblygu partneriaeth gadarn
 - (d) Gyda chyrff allanol**
 - Datblygu a hybu cysylltiadau defnyddiol gydag unigolion, cyrff ac asiantaethau y tu allan i'r ysgol
 - (e) Gyda sefydliadau addysgol eraill**
 - Cysylltu gyda sefydliadau a mudiadau addysgol eraill er budd y disgyblion, y staff a'r ysgol

6. Adnoddau

- Bod yn gyfrifol am ddyrannu adnoddau, mewn cydweithrediad â'r Cyrff Llywodraethol
- Cymryd pob cam rhesymol i sicrhau bod systemau cyllidol yn gadarn, yn effeithiol ac yn unol â rheoliadau'r Awdurdod Addysg Lleol

7. Adeilad ac Eiddo

- Gwneud trefniadau gyda'r Cyrff Llywodraethol i sicrhau bod adeilad, cynnwys a thir yr ysgolion yn cael eu gwarchod yn ddiogel ac yn effeithiol a sicrhau bod yr adeiladau a'r eiddo yn cael eu cynnal yn dda
- Rhoi gwybod i'r Cyrff Llywodraethol a/neu i'r Awdurdod Addysg Lleol os nad yw'r gwaith cynnal a chadw yn ddigonol
- Sicrhau bod gofynion Iechyd a Diogelwch staff, disgyblion ac ymwelwyr â'r ysgol yn cael eu cadw yn unol â rheoliadau'r Awdurdod Gweithredol Iechyd a Diogelwch (HSE) a gofynion yr Awdurdod Addysg Lleol
- Rhoi gwybod yn ddi-ffael i'r Cyrff Llywodraethol ac/neu i'r Awdurdod Addysg Lleol am unrhyw faterion a allai fod â goblygiadau Iechyd a Diogelwch

8. Addysgu

- Ar hyn o bryd, mae gan y Pennaeth rhywfaint o gyfrifoldeb addysgu ar y ddwy safle.
- Cymryd rhan, os bydd angen, yn y gwaith o addysgu dysgwyr am oriau ychwanegol, gan gofio am y cyfrifoldebau fel Pennaeth Ysgol
- Rhannu yn y gwaith o gyflenwi a sicrhau bod trefniadau priodol yn eu lle i sicrhau bod dosbarth yn cael ei addysgu'n effeithiol pan fo athro/athrawes y dosbarth yn absennol

9. Absenoldeb y Pennaeth

- Dirprwyo awdurdod a chyfrifoldebau i'r Pennaethiaid Cynorthwyol neu berson addas arall yn ystod absenoldeb y Pennaeth

10. Undebau a Chymdeithasau Athrawon

- Sicrhau bod staff yr ysgol yn derbyn gwybodaeth berthnasol a bod modd iddynt ymgynghori gyda mudiadau athrawon a mudiadau i'r sawl nad ydynt yn athrawon

11. Egwyl Ddyddiol

- Mae hawl gan y Pennaeth i gael egwyl o hyd rhesymol ac nid oes yn rhaid i'r egwyl honno gyd-daro gydag egwyl ganol-dydd yr ysgol
- Yn ystod absenoldeb y Pennaeth, dylid dynodi'r Pennaethiaid Cynorthwyol neu berson cymwys arall i fod yn gyfrifol am y cyfnod hwnnw